

四庫全書

史部

欽定四庫全書

史部

御批歷代通鑑輯覽卷
三二

詳校官侍講_臣王燕緒

編修_臣裴謙慶勛

總校官進士_臣程嘉謨

校對官編修_臣吳舒帷

謄錄監生_臣李邦燮

欽定四庫全書

御批歷代通鑑輯覽卷二

夏

夏商周子至桀中十七王十四世四百三十九年其終之亡未兩暨於夏商之代紀數則屬於商

夏后氏大禹

史記作音禹

姒姓顓頊之孫鯀之子生於石紐

譙周蜀本紀禹本汶山郡廣柔縣人

生於石紐廣柔縣在今四川茂州汶川縣西北地

有石紐村元和志禹所生處者唐書地理志茂州石

泉縣有石紐山石泉今屬龍安府山下有大禹廟

祖禹禹以六月六日生此今以蜀紀元和志為據長

於南羌

今茂州古為西羌

封夏伯故曰伯禹天下宗之故

曰大禹

子丙元歲王即位國號夏

王既為衆所歸乃即天子位因所封國為有天下之

號以金德王

都安邑

今山西解州夏縣北有安邑故城禹所都帝王世紀禹先封陽翟後都安邑

以建寅月為歲首改載曰歲

天開于子地闢于丑人生于寅歲首建寅得人之正

是謂人統

以平旦為朔

朱子論語注夏以寅為人正商以丑為地正周以子為天正然時以作事歲月自當以人為紀故孔子嘗曰吾得夏時焉而又以告顏子也

色尚黑

牲用元戎事乘驪

馬深黑色

朝燕服收

冕屬取斂髮之義

冠而黑

衣

封丹朱於唐

即堯初所封注見前

商均於虞

今河南歸德府虞城縣

立貢法

一夫受田五十畝每夫計其五畝之入以為貢

建學

國學曰學大學為東序在國中小學為西序在西郊

鄉學曰校

養老

養國老於東序養庶老於西序俱以饗禮

禮薦不食爵盈不飲

立而不坐以尊卑

為獻數畢而止

作大夏樂

命皋陶為夏箛九成

淮南子夏后氏其樂夏箛九成箛樂器也

昭成功也

定車制

初黃帝作車少昊加牛奚仲

任姓黃帝之後封于薛是為薛之始祖薛故城

在今山東兗州府滕縣

加馬王乃命仲為車正建綏

讀為綏即干旄旆繼旄

曰旄旆尾也

以別尊卑等級

以五聲聽治

揭鐘鼓磬

石音之器

鐸

鈴屬鞀

與鼓同小鼓也

五器於庭而銘于簎

簎

橫曰簎直曰簎所以懸樂器

曰導寡人以道者撾鼓喻以義者

鼓鐘告以事者振鐸語以憂者擊磬有獄訟者揮鞀

常曰吾不恐四海之士留於道路恐其留吾門也故
嘗一沐三握手中不暇食以禮有道之士焉

絕旨酒

儀狄

人名戰國策昔者帝女令儀狄作酒路史以儀狄為帝女非是

作酒王飲而甘

之曰後世必有以酒亡其國者遂疏儀狄而絕旨酒

會諸侯于塗山

在今江南鳳陽府懷遠縣山南有禹會村

承唐虞之盛執玉帛者萬國

丁丑 二歲臯陶薨

塗山之會執玉帛者萬國與黃帝百里之國萬區同一荒渺宋洪邁輩多識其妄履祥金氏以

為史傳之後辭
良然

禹鑄九鼎漢書
及他紀載皆同
金氏履祥獨據
墨子之說以為
后啟所鑄捨經
傳而從子書非
是至鑄鼎象物
左傳猶稱近古

王舉臯陶將授政而臯陶薨封其後于英

今江南六安州英山

縣有古英氏城史記索隱臯陶之後封此後改為蓼國

六

今六安州古六國也

舉益為相

戊寅 三歲考功

巳卯 四歲鑄九鼎

王復九州九牧貢金鑄鼎象物使民知神姦入山林

川澤不逢不若用能協于上下以承天休

庚辰 五歲巡狩

又見

御批歷代通鑑輯覽

四

胡氏宏乃以爲
圖九州道里貢
賦夫道里貢賦
何以稱象物耶
蓋好異逞臆之
病紀事者所不
免

祇台德先之世
即有不共命若
防風氏者易所
謂不寧方來後

王出見罪人下車問而泣之左右曰罪人不順道君
王何為痛之王曰堯舜之人皆以堯舜之心為心寡
人為君百姓各自以其心為心是以痛之王濟江注
前黃龍負舟舟人恐王神色不變曰吾受命于天竭
力以勞萬民生性也死命也龍何為者須臾龍俛首
低尾而逝

癸未 八歲會諸侯于會

與檜同

稽

今浙江紹興府會稽縣以會稽山名在縣東南

防風氏

今浙江湖州府武康縣古防風氏國

後至戮之

夫山也後至之
誅蓋有不得已
然周書曰其克
詰爾戎兵以陟
禹之迹亦可見
大禹立政之大
端矣

王崩葬會稽

大禹陵在
會稽山

王會諸侯計功而崩因葬焉命曰會稽

會稽者
會計也

王敏

給克齊其德不違其仁可親其言可信聲為律身為
度不寶尺璧而貴寸陰聞善言則拜見耕耨者五耦而
式過十室之邑必下為有秉德之士存焉是時天下
殷盛公家有三十年之積私家有九載之儲政令流
行百姓親睦王年十四而始用九十三而踐位百歲
而崩在位八年既崩益避王之子于箕山

在今河南
府登

封縣之陰天下不歸益而歸王之子啟乃即天子位

后啟

禹娶塗山氏

漢書地理志九江郡當塗應劭曰禹所娶塗山侯國也當塗故城在今鳳陽

府懷遠縣生啓荒度土功過門弗入塗山氏能明訓教啟

化其德卒成令名

見列女傳

甲申元歲諸侯奉嗣子即位

金氏履祥曰三代以來嗣君皆踰年而稱元與堯舜禹之間不同故胡氏大紀于啟甲申書元今從之

乙酉二歲伯益歸政就國

鈞臺之事史書不言歲月然當在伯益歸政之後益初年尚在宅憂不當大事三年政始親政諸侯來朝是以有鈞臺之享是時諸侯皆至而有扈不服故有甘之戰即此知啟之賢能敬承禹之道矣

後益薨王歲以犧牲祀之

丙戌三歲大享於鈞臺

在今河南開封府禹州大陵之西俗曰臺陂亦曰啟筮亭地道記

昔夏后啟筮享神于大陵即此

王既即位諸侯會同乃即鈞臺而大享焉

伐有扈

今陝西西安府鄠縣夏扈國

有扈氏不服王伐之召六卿而誓曰有扈氏侮侮五

行怠棄三正

天地人之道

天用勦絕其命今予惟恭行天之

罰大戰于甘

今鄠縣西南有甘亭啟誓師處亦曰甘澤

遂滅有扈

士辰九歲序九辯九歌

朱子楚辭集注九辯九歌皆禹樂

禹象功作樂曰九辯九歌王敬承禹功乃序其樂而

歌之

王崩子太康立

王繼世而有天下持禹之功不替德教施於四海在位九年而崩年九十一

后太康

癸巳元歲

王尸位以逸豫滅厥德黎民咸貳夏政始衰

身十有九歲王畋于洛表

洛水注見前

羿距王於河

洛在河南羿距

于河

王居陽夏

今河南陳州府太康縣

王畋于有洛之表十旬弗反有窮后羿

蔡沈書傳窮國名羿窮國

君之名

因民弗忍距于河王不得入國遂築陽夏之城

而居焉

太康縣陽夏故城路史夏太康所築

五子作歌

太康失邦昆弟五人須於洛汭

洛水入河之處

乃述大禹之

戒以作歌

其一曰皇祖有訓民可近不可下民為邦本本固邦寧予視天下愚夫愚婦一能勝

予一人三失愆豈在明不見是圖予臨兆民凜乎若朽索之馭六馬為人上者奈何不敬其二曰訓有之內作色荒外作禽荒甘酒嗜音峻宇雕牆有一于此未或不亡其三曰惟彼陶唐有此冀方今失厥道亂其紀綱乃底滅亡其四曰明明我祖萬邦之君有典有則貽厥子孫關石和鈞王府則有荒墜厥緒覆宗絕祀其五曰嗚呼曷歸余懷之悲萬姓仇予予將疇依鬱陶乎予心顏厚有怙怙弗慎厥德雖悔可追

二十有九歲王崩於陽夏弟仲康立

王在位十九歲失政十歲而崩

后仲康罔

五子之一

戊士元歲命胤侯

胤國名路史以為利之胤山地在四川保寧府廣元縣

掌六師

秋九月朔辰弗集于房

劉氏炫曰房所舍之次也集會也會合也不合則日蝕可知

癸亥二歲命胤侯征羲和

侯告于衆曰羲和顛覆厥德沈亂于酒畔官離次俶擾天紀遐棄厥司乃季秋月朔辰弗集于房瞽奏鼓嗇夫馳庶人走羲和尸厥官罔聞知政典曰先時者

殺無赦不及時者殺無赦今予以爾衆士奉將天罰
爾衆士同力王室尚弼余欽承天子威命

林氏之奇曰仲康即位之始即能用肩侯掌六師以
收兵權義和之罪雖曰沈亂于酒然黨于羿同惡相
濟肩侯承王命征之以剪羿之羽翼故終仲康之世羿不得以逞

子甲
三歲羿滅伯封

伯封后夔之子也羿滅之夔是以不祀

金氏履祥曰左傳所載伯封事似失之註不具錄據
路史禹命伯封故作衍愚是伯封夏之天官仲康征
羲和而夷羿滅伯封
直與王室爭諸侯耳

商邱在河南而
斟灌斟尋乃
在山東青萊所
謂馬牛風不相
及何能相依或
其時來從王難
即然云相依則
是藉其土地民
人之勢也古史
荒畧鮮實可見
一斑

甲戌 十有三歲王崩子相立

后相

乙亥 元歲徙都商邱

今河南歸德府商邱縣

王為羿所逼遷于商邱依斟灌

今山東青州府壽光縣東北有斟灌城應

劭曰古斟灌禹後

斟尋氏

今山東萊州府濰縣東有斟亭應劭曰古斟尋禹後

征畎夷

九夷之一

辛巳 七歲畎夷來賓

自太康失政四夷背叛及王即位始征畎夷七歲然

後來實

壬午八歲寒

國名今山東萊州府雖縣東有寒亭古寒國

浞寒君之子殺羿

羿自鉏

今河南衛輝府滑縣有鉏城羿初居于此

遷于窮石

左傳注河南有窮谷羿所

也遷因夏民以代夏政恃其善射不修民事而淫于原

獸棄武羅伯因熊髡虺圍

四人皆羿之臣也

而用伯明氏

寒國

之讒子寒浞使為已相浞行媚于內施賄于外愚

弄其民而虞

同娛

羿于田樹之詐慝以取其國外內咸

服羿猶不悛將歸自田家衆逢

音蒙路史作龍門

殺而烹

之

壬寅

二十有八歲寒浞使其子澆弑王於帝邱

注見王前

后緡歸于有仍

路史仍太昊後即任也地在今山東兗州府濟寧州

臣靡奔有

鬲氏

今山東濟南府德州北有鬲縣故城古鬲國

浞因羿室生澆

即羿

及璫使澆用師滅斟灌斟尋遂弑

王王后緡方娠逃出自竇歸于有仍遺臣靡奔有鬲

浞乃處澆于過

今萊州掖縣北有過鄉括地志寒浞處澆于此

處璫于戈

左傳

注戈在鄭宋之間孔穎達曰傳所云鄭宋之隙地戈岳錫是也

后少康

癸卯 元歲相后緡生少康于有仍

國之統繫於君
春秋之義君在
即大統歸之新
莽書更始之年
則天紀房陵之
蹟皆此意也胡

金氏履祥曰癸卯以後皇極經世缺四十年不書胡
氏大紀即以少康所生之年為元歲蓋少康既生則
夏統不絕
今從之

甲子 二十有二歲少康自有仍奔虞注見前

少康為仍牧正毒也澆能戒備也之澆使椒澆臣求之逃

奔有虞為之庖正虞思虞君于是妻之以二姚而邑諸

綸今虞城縣東南有綸城括地志夏少康邑有田一成有衆一旅能布其

氏大紀以少康
所生之年為元
歲足糾皇極經
世之誤然是時
夏之不亡其亦
如綸矣

德而兆其謀以收夏衆撫其官職

壬午四十歲靡誅寒浞立王王誅澆及豷

靡自有鬲氏牧二國

濊

之燼以滅浞而立少康少康

使女艾

少康臣路史女作汝

謀侯也

澆使季杼

少康子

誘豷遂滅過戈

復禹之績祀夏配天不失舊物

胡氏宏曰少康靡禹受困阨而不渝潰死亡而不息兢兢業業經營四十年然後克殄元凶不失舊物故唐臣虞世南論歷代中興之主以少康為冠

方夷

亦九夷之一

來賓

夷人久畔王既立遂賓於王門獻其樂舞

癸卯

六十有一歲封庶子無余于越

是為於越之祖

禹葬會稽太康而後歲弗及祀王乃封其少子於越

號曰無余從民所居居于秦餘

今會稽縣東有侯城水經注越無余初居

于此春秋奉禹祀

王崩子杼立

王生長艱危備嘗險阻卒成再造之功為中興之主

年四十而復國在位實二十二歲

后抒

史記作予路史作伯抒前編作李抒

甲辰
元歲

戊申
五歲征東海伐三壽

路史以為即平壽今萊州府濰縣有平壽故城

庚申
十有七歲王崩子槐立

王佐少康勘定寒氏之亂帥禹之道故夏后氏報焉

宗其有德也

后槐

帝王世紀作勞

辛酉
元歲

丙戌 二十有六歲王崩子芒立

后芒

史記芒一名和

丁亥 元歲以元圭賓于河乃東狩于海

甲辰 十有八歲王崩子泄立

后泄

路史作洩是為世宗

己巳 元歲加六夷爵命

畎夷白夷赤夷元夷風夷陽夷六屬來王於是始加

爵命

庚申十有六歲王崩子不降立

后不降

世紀作
帝降

辛酉元歲

丙寅六歲伐九苑

戎名

己未五十有九歲王崩弟扁立

后扁

路史或
曰高陽

庚申元歲

庚辰二十有一歲王崩子厘立

后厘

世紀一
名頤

巳 辛
元歲

丑 辛
二十有一歲王崩不降之子孔甲立

后孔甲

寅 壬
元歲

辰 甲
三歲以劉累陶唐氏之後生而有文在手曰劉累因以為名為御龍氏

時天降二龍雌雄各一王不能食音有劉累者學擾

龍于豢龍氏

左傳豢豢安裔子曰董父能擾畜龍以服事舜舜賜之姓曰董氏為豢龍能

飲食之王嘉累賜氏曰御龍龍一雌死潛醢以食王

既而王使求之累懼奔魯

今河南汝州魯山縣

採首山

注見前

鐵鑄劍

陶弘景古今錄作八歲今依前編輯

戊辰二十有七歲商湯生

契封于商十二傳而至主癸

契生昭明昭明生相土相土生昌若昌若生

曹圉曹圉生冥冥生振振生微微生報丁報丁生報乙報乙生報丙報丙生主壬主壬生主癸主癸

履是為成湯

帝王世紀主癸之妃扶都見白氣貫月感而生湯

中壬三十有一歲王崩子皐立

王好事鬼神肆行淫亂作破斧之歌是為東音諸侯
化之夏政日衰

后臯

癸酉
元歲

癸未
十有一歲王崩子發立

后發
路史作敬發
亦曰發惠

甲申
元歲

壬寅
十有九歲王崩子癸立
是為桀

后癸

癸卯
元歲

王淫虐有殊力能伸鉤索鐵生裂兕虎負恃其勇不務德而武傷百姓有趙梁者教為無道勸以貪狼百

姓弗堪

甲子
二十有二歲公劉

路史公劉去后稷益十餘世

遷于豳

今陝西邠州三水縣

有豳城公劉所居

初舜封后稷于邠

注見前

子孫實世稷官服事虞夏傳

至不密

史記以不密為后稷之子熊周引國語辨之以為不合事情張守節羅泌等亦言其非辭

繁不具載值夏道衰去稷弗務用失其官竄于戎狄之間

程大昌曰慶州有不密城

慶州今甘肅慶陽府是

再世至公劉

不密生鞠鞠生公劉

乃

徙于豳復修后稷之業百姓懷之多徙而歸焉周道之興自此始

乙亥

三十有三歲伐蒙山有施氏進妹喜

韋昭國語注有施喜姓國妹其女也

自孔甲之後王室德政日衰諸侯或不朝王伐蒙山有施氏有施氏進女妹喜王嬖之所言皆聽妹喜

好聞裂繒聲王發繒裂之以順適其意為瓊室象廊
瑤臺玉牀行淫縱樂政事怠廢又為內山脯林酒池
可以運舟一鼓而牛飲者三千人以為戲劇

丁丑三十有五歲商湯嗣為諸侯始居亳

周書立政三亳
皇甫謐曰蒙為

北亳即景亳湯受命之地穀熟為南亳湯初所都偃師
為西亳湯後所都盤庚徙此北亳今歸德府商邱縣
之薄縣故城是南亳今商邱縣之南
亳城是西亳今河南府之亳城是

自契至于成湯八遷

契居商昭明居砥石相土居商
邱湯居亳孔穎達曰事見經傳

者有此四遷
餘未詳聞

湯始居亳

即南
亳

成寅

三十有六歲商湯征葛

今歸德府寧陵縣有葛鄉夏葛伯國

湯為方伯得專征伐葛伯不祀湯始征之

書序湯征葛伯作湯

征今其

篇亡

外已

三十有七歲商湯進伊尹

伊尹名摯

皇甫謐曰力牧之後生於空桑今開封府杞縣西有空桑城寰宇記伊尹生於此

耕於有莘

今山東曹州府曹縣北有莘城古莘國

之野湯三使往聘之

尹乃就湯湯薦尹于王自亳凡五適夏告以堯舜之

道王終不聽

壬午四十歲伊尹復歸亳

王與羣臣俱沈湎于酒羣臣相持而歌曰盍歸于薄
即亳薄亦大兮伊尹聞之進告於王曰天命之亡有日

矣王啞然笑曰吾有天下如天之有日也日有亡乎

日亡吾乃亡耳于是伊尹接履而趨復歸于亳

書序伊尹

去亳適夏既醜有夏復歸于亳入自北門遇汝鳩汝
方作汝鳩汝方金氏履祥曰孟子伊尹五就湯桀之
說或本此書惜其
篇亡不可考矣

蘇氏轍曰伊尹以處士從湯及其適夏湯與知之其
君臣之心以為伐桀以濟斯世不若使尹事桀以止

其亂雖使夏不亡商不與無恨也及其不可復輔于是舍而歸商耳其後文王事紂亦為之三公至將囚而殺之然後棄之而西蓋湯之于桀文王之于紂其不欲遽取之者如此此所以為湯文而非後世之所能及也與

甲 四十有二歲囚商湯于夏臺

即鉤臺

既而釋之

湯出見人張網四面湯解其三面祝曰欲左者左欲右者右惟不用命者乃入吾網諸侯聞之曰湯德及禽獸歸之者四十餘國王疾其大得諸侯和也召之囚于夏臺已而得釋

壬辰 五十歲會諸侯于有仍氏

注見前

有緡氏

今山東兗州府金鄉縣有

東緡故城 夏有緡國 叛攻克之

王肆其侈心為有仍之會有緡氏見王汰侈弗善也

引師先歸王怒率諸侯攻克之愈自矜肆諸侯韋氏

今衛輝府滑縣有韋城廢縣古豷韋氏國彭姓

顧氏

今曹州府范縣有古顧城夏顧國

昆吾

氏 今直隸大名府開州有昆吾城夏昆吾國與顧國俱已姓

助王之惡以虐其

民

癸巳 五十有一歲太史令終古犇商

王鑿池為夜宮男女雜處三旬不朝終古執圖泣
諫不聽遂奔商

冬十月鑿山穿陵以通于河

諫者曰洩天氣發地藏天子失道後必有敗王殺之
耆老或諫王又殺之王見錄書云亡夏者桀于是大
誅豪傑大費即伯益之後曰費昌徙族以歸于湯

甲午 五十有二歲殺諫臣關龍逢音尤

王不道愈甚關龍逢進諫曰古之人君愛民節用享

國之日長今王用財若無窮殺人若弗勝亡無日矣
盍少悛乎不聽龍逢立而不去王怒遂殺之

兩日闕五星錯行泰山崩伊洛竭

伊水出陝州盧氏縣熊耳山至河南府偃

師縣入洛洛水注見前

乙未五十有三歲湯伐昆吾遂攻鳴條
今山西解州安邑縣有鳴條岡王

師敗王奔南巢

今江南廬州府巢縣有桀王城桀奔此

夏亡

昆吾氏為亂湯乃興師率諸侯伊尹相湯湯自把鉞

以伐昆吾遂誓師攻鳴條

舊序伊尹相湯伐桀戰于鳴條之野作湯誓

王

師敗績王奔南巢因放焉

書傳王出太行涉河奔南巢湯縱而不迫故稱放

後三年卒於亭山

淮南子作歷山即今江南和州歷陽山

王滅德任威

棄義聽讒諸侯危其位大夫隱其道舉事戾于天發

令逆其時遂至于亡自禹至桀十七君十四世合計

共四百三十有九年

郇子經世書夏起自禹丁巳蓋統攝政之年而紀之也繫夏亡於桀

之甲午蓋以乙未歲為湯革命之年也今自禹而子即位至桀乙未奔南巢總而計之其乙未歲兩繫于夏商之代

商

起湯乙未至紂戊寅凡二十八王十六世六百四十四年其紂之已卯兩繫于商周之代紀數則屬于周

商王成湯

子姓名履一曰天乙契之十三世孫原見前以有武德

亦曰武王

詩商頌武王載祐
史記湯號曰武王

乙未十有八祀

即夏桀五
十三年

春三月王即位于亳國號商

王歸自克夏諸侯咸推王為天子王再拜而讓者三

乃即位于亳

帝王世紀湯歸于亳再拜而從諸侯之
位曰天下惟有道者宜處之三讓乃即

天子

因所封國為有天下之號以水德王

金氏履祥曰古史不載湯敗元劉道原載之非其
實也湯之元已立于桀之三十六歲又可改乎

都亳

史記正義編即位
都南亳後徙西亳

改建丑月為歲首歲曰祀

十二月建丑得地之正是為地統

以雞鳴為朔

色尚白

姓用白牡戎事乘翰

白馬

朝燕服皐

音許取覆飾之義

冠而編

衣

大誥諸侯

書序湯既黜夏命作湯誥

諸侯來朝乃作誥與天下更始

以伊尹仲虺

即萊朱奚仲之後

為相

伊尹為左相仲虺為右相虺因王放桀有勲德乃作

誥以釋之

書序湯歸自夏至于大坰仲虺作誥傳大坰地名

立禹後及古聖賢之裔封孤竹

今直隸永平府古孤竹國神農之後史記索隱

孤竹君商湯所封應劭曰姓墨胎氏

等國有差

告羣臣曰古禹皋陶久勞於外四瀆已修萬民乃有

居后稷降播農殖百穀三公咸有功于民故後有立

禹之後封杞後為東樓公周再封稷之後公劉居豳
皋陶之後咎單為司空伯益之後費昌亦為諸侯

仲之後仲

虺為相

制爵祿

制爵公侯

皆百里 伯七十里

子男

皆五十里 不能五十里曰附庸

凡五等

諸侯之上大夫卿下大夫上士中士下士亦五等天

子之三公視諸侯卿視伯大夫視子男元士視附庸

制祿凡國之君皆十卿祿卿四大夫祿

次國三大夫小國倍下

大夫倍上士上士倍中士中士倍下士下士視上農

夫庶人在官者

府史胥徒之屬

其祿視農夫上

食九人 食八人

中

食七人 食六人

次食五人

之次為差

金氏履祥曰王制與周禮不同舊說以為殷禮
故依胡氏採錄以見成湯紀綱天下之大規

立助法

為井田之制以六百三十畝之地盡為九區區七十
畝中為公田其外八家各授一區但借其力以助耕
公田而不復稅其私田故曰助

建學

國學曰學大學為右學在西郊小學為左學在國中
鄉學曰序

養老

養國老于右學養庶老于左學俱以食禮

有飯有餼設酒而不

飲以飯為主

制官刑

儆于有位曰敢有恒舞于宮酣歌于室時謂巫風常歌

常舞若巫現然

敢有殉于貨色恒于遊畋時謂淫風過而無度敢

有侮聖言逆忠直遠耆德比頑童時謂亂風

悖禮曰亂惟

茲三風十愆卿士有一于身家必喪邦君有一于身

國必亡臣下不匡其刑墨具訓于蒙士

始作囿

取禽獸以奉宗廟

作器用之銘

諸器用皆作銘以自警戒其盤銘曰苟日新日日新

又日新

作大濩樂

命伊尹作樂曰大濩

呂氏春秋湯放桀黜首安
寧乃命伊尹作為大濩

丙申十有九祀大旱

祀棄以配稷

舊以農

炎帝子柱

配稷至是大旱易以棄配

戊戌

二十有一祀鑄金幣

伊尹言于王發莊山

鹽鐵論作嚴山考漢書屬嚴道有銅山後漢避諱改莊為嚴此

莊山蓋即嚴道之銅山也

之金鑄幣以賑民

辛丑

二十有四祀禱于桑林

地名呂氏春秋周封湯後于宋以奉桑林據此桑林當在

宋地雨

應天以實不以文六事自責湯之至誠對天如此其致而不致雨非湯所敢逆料舊說身為犧牲剪髮斷爪非聖人所為殊不足據

大旱七年王禱于桑林之野祝曰毋以予一人之不敏傷民之命以六事自責曰政不節與民失職與宮

室崇與女謁盛與苞苴行與讒夫昌與言未已大雨

方數千里

胡宏大紀湯禱桑林而雨天下譙洽遂作桑林之樂名曰大獲前編載之考左傳宋

公享晉侯于楚邱請以桑林注桑林殷天子樂孔穎達疏曰湯樂大獲其曰桑林先儒無記唯皇甫謐云殷樂一名桑林然亦無文可憑今依孔疏大紀之說不取

丁未三十祀王崩葬汾陰

成湯陵在今山西蒲州府榮河縣文獻通考宋太祖初給守陵戶

廟號烈祖孫太甲立

程子之說原本
書傳及孔穎達
疏最為明確即
以經世書甲子
推之太甲立于
戊申直接湯之
丁未中間亦並
無六年之缺則
外丙二年仲壬
四年是生年如
俗所云年數或
而已非在位年
更無疑義

王天錫智勇用集大命與人不求備檢身若不及旁

求俊彥子惠困窮克寬克仁兆民允懷立十八祀而

革夏正踐天子位十三祀而崩年百歲子太丁早卒

外丙二年

言止二歲

仲壬四年

止四歲

伊尹奉太丁之子太

甲即位

考孟子外丙二年仲壬四年史記以為即位二年四年而崩趙岐孟子注並同程子則謂

古人謂歲為年湯崩時外丙二歲仲壬四歲惟太甲

差長故立之大紀亦言成湯必不含孫而立子且經

世書亦無外丙仲壬名世辨之

尤詳今以程子為據不從史記

王太甲

戊申

元祀伊尹奉王見于祖

書序太甲元年伊尹作伊訓
肆命祖后凡三篇其二亡

伊尹祠于先王奉嗣王祇見厥祖百官總己以聽冢

宰伊尹乃明言烈祖之成德以訓于王

王居于桐宮

書傳桐湯葬地元和志聞亳縣桐鄉故城
在縣西南舊以為伊尹放太甲之所今考

其地與榮
河湯陵近

王習與性成欲敗度縱敗禮罔念聞伊尹之戒伊尹

乃營桐宮而居之曰密邇先王其訓無俾世迷

己酉

二祀王在桐宮

庚戌 三祀伊尹奉王歸于亳

王居桐三年處仁遷義伊尹以冕服奉王歸亳復政

于王

書疏太甲自初立至放而歸伊尹每進言以戒史叙其事作太甲三篇

以伊尹為保衡

書疏湯時伊尹為阿衡至太甲改為保衡言為天下所取安所取平也

伊尹告歸

伊尹既復政將告歸又陳戒于王

作威有一德

王益修厥

德諸侯咸服百姓以寧

庚辰

三十有三祀王崩廟號太宗子沃丁立

商代祖有功而宗有德王克終湯業故號曰太宗

王沃丁

巳辛元祀

子戊八祀保衡伊尹薨

王親弔臨祀以太牢以三公禮葬之于亳

皇覽伊尹冢在己氏

平利鄉

己氏故城在今山東

曹州府曹縣縣東南有伊尹墓

以咎單為相

咎單訓伊尹之事作書以告于王

篇名沃丁今亡

巳二十有九祀王崩弟太庚立

王太庚

商世兄終弟及者自太庚始

庚戌元祀

甲戌二十有五祀王崩子小甲立

王小甲

乙亥元祀

辛卯十有七祀王崩弟雍已立

王雍已

壬辰元祀

王居位不能綱紀庶政號令不行諸侯或不朝商道

始衰

癸卯十有二祀王崩弟太戊立

王太戊

小甲之弟太庚之子

甲辰元祀以伊陟臣扈為相巫咸佐之

巫咸臣姓名天文家謂殷宣夜之法

巫咸
為之

陟尹之子也與扈及咸輔王大修成湯之政商道復興

桑穀共生于朝

書序伊陟贊于巫咸
作咸又四篇今亡

時有祥桑穀共生于朝

書傳祥妖怪二本
共生不恭之罰

一暮大拱

王懼伊陟曰臣聞妖不勝德王其修德王從之三日
而祥桑枯死

午丙
三祀諸侯畢朝

王修先王之政明養老之禮早朝晏退問疾弔喪三

年遠方慕義重譯而至者七十六國

戊午

七十有五祀王崩葬河北

中宗陵在今河南彰德府內黃縣宋開寶間樹碑

廟號中宗子仲丁立

王嚴恭寅畏天命自度治民祇懼不敢荒寧成湯之後至王而中興焉

王仲丁

巳未元祀

甲子六祀遷都于囂

史記作噉即穀山在今開封府蒙澤縣西北水經注山上有城即仲丁所遷

辛未十有三祀王崩國內亂弟外壬立

王外壬

壬申元祀

丙戌十有五祀王崩弟河亶甲立

王河亶甲

丁亥元祀徙都于相
今彰德府內黃縣南有廢城括地志河亶甲所都

囂有河決之患故遷相商復衰

乙未九祀王崩子祖乙立

王祖乙

丙申元祀徙都耿

今山西蒲州府河津縣有耿城水經注商祖乙徙此

時相又有河決之患爰自相而遷于耿

甲辰九祀耿圯徙邢

今直隸順德府邢臺縣通典商祖乙遷邢即此

耿復為水所圯乃徙邢而都焉

書序仲丁遷囂作仲丁河囂甲居相作河

宣甲祖乙圯于耿作

祖乙今其篇皆亡

以巫賢為相

賢咸之子也為相任職諸侯賓服天下大和

乙卯 十有九祀王崩子祖辛立

王祖辛

甲寅 元祀

庚午 十有六祀王崩弟沃甲立

王沃甲

辛未 元祀

乙未 二十有五祀王崩國亂祖辛之子祖丁立

王祖丁

丙申
元祀

丁卯
三十有二祀王崩沃甲之子南庚立

王南庚

戊辰
元祀

壬辰
二十有五祀王崩祖丁之子陽甲立

王陽甲

癸巳
元祀諸侯不朝

自仲丁以來廢適而更立諸弟子諸弟子或爭相代

立比九世亂于是諸侯莫朝

己亥七祀王崩弟盤庚立

王盤庚

庚子元祀遷都于殷即西亳今偃師改國號曰殷

時都河北已久宮室奢侈民居墊隘水泉瀉鹵不可

以行政化王欲徙成湯之故都臣民安土重遷咸相

咨怨王乃作書告諭書序盤庚將治亳殷民咨胥怨作盤庚三篇渡河而

南復居于亳改國號曰殷故曰亳殷遵湯之德行湯之政

書序盤庚五遷蓋自湯徙西亳由是而囂而相而耿而邢凡經五徙正經所謂不常厥邑于今五邦也後儒以書序無遷邢之文遂以耿即為邢又以盤庚自

耿遷亳合數為
五不知祖乙圮
于耿書序已明
載之而遷邢之
文又見經世書
何說經家之好
為聚訟耶

商道復興諸侯來朝

丁卯二十有八祀王崩弟小辛立

王小辛

戊辰元祀

殷道復衰

戊子二十有一祀王崩弟小乙立

王小乙

己丑元祀

甲二十有六祀豷亶父遷于岐

岐山在今陝西鳳翔府岐山縣東北顏師古曰

其山兩岐故名

改國曰周

今岐山縣有周原帝王世紀周之名以此

亶父號古公繼公劉居豷

世本公劉慶節皇僕差弗偽榆公非辟方高國侯年

亞園雲都組紺諸盤亶父考史記慶節以下較世本名或不同世有關漏今故不採

能修世

業狄人侵之乃遷岐山之下民從之者如市改號其

國曰周

後漢書郡國志美陽有周城美陽故城在今鳳翔府岐山縣

丙二十有八祀王崩子武丁立

王武丁

高宗中興令主
然圖像傳巖之
事致疑傷誕或
當居民間時物
色久屬特以起
胥靡而作相恐
人望未厭托之
夢費圖形所為

丁巳元祀王宅憂以甘盤為相

王舊學于甘盤至是踐位以甘盤為相亮陰

皆同庵

三

年不言百官總已以聽于冢宰

巳未三祀得傳說為相

王既免喪猶不言羣臣咸諫王于是思建良輔夜夢

得聖人曰說以夢所見視羣臣百吏皆非乃使百工

圖其像求之野時說為胥靡築于傅巖

史記作險今山西解州平

陸縣有聖人窟說版築處

得之見王王曰是也與之語果聖人爰

神道設教而已
君非高宗臣非
傳說如之何其
可

立為相以傳嚴姓之號曰傳說

傳說命
作說命
三篇

命說總百官咨學于說

王曰來汝說爾惟訓于朕志說曰王人求多聞時惟
建事學于古訓乃有獲惟學遜志務時敏厥修乃來
允懷于茲道積于厥躬

戊子

三十有二祀彤

音融祭之明
日又祭曰彤

有雉雉于鼎

彤祭禰廟有飛雉升鼎耳而雉王懼祖已

奚仲
之後

曰王

勿憂先修政事乃作書以訓于王

曰高宗
彤日

王修政行

德天下咸驩

伐鬼方

朱子詩經集傳商頌殷武祀高宗之樂易曰高宗伐鬼方三年克之蓋謂此與考鬼方後漢

書通典通考皆以爲西戎王應麟曰大戴禮帝繫篇陸終娶鬼方氏生子六人六曰季連芊姓楚其後也可以證朱子集傳之說今依之

鬼方恃固而擾諸夏王伐之三年乃克自是內外無

患殷道復興

乙卯五十有九祀王崩葬西華

殷高宗陵在今陳州府西華縣宋太祖初給守陵戶

廟號高宗子祖庚立

王為王子時父小乙欲其知民疾苦使居民間與小民出入同事故于稼穡艱難備嘗知之及即位不敢荒寧嘉靖殷邦至于小大無時或怨遂成中興之業

王祖庚

丙辰
元祀

壬戌
七祀王崩弟祖甲立

王祖甲

初高宗欲廢祖庚而立王王以為不義而逃去及祖

庚崩國人卒立之

癸亥
元祀

庚寅
二十有八祀周古公亶父薨子季歷嗣

古公三子長曰太伯次曰仲雍一名虞仲少曰季歷季歷

娶太任

擊國之仲女任姓路史擊祖已封今蔡州之平輿有擊亭平輿故城在今河南汝寧府

汝陽縣端一誠莊惟德之行生子昌有聖瑞史記正義引赤雀銜

丹書止于昌戶古公欲傳國以及之曰我世當有興為聖瑞今不取

者其在昌乎太伯仲雍知指乃以採藥為名逃之荊

蠻

即勾吳地界楚越故曰荆蠻

斷髮文身以讓季歷至是古公薨

季歷嗣

是為公季

乙未三十有三祀王崩子廩辛立

王在田間久故即位之後知小人之依能保惠于庶

民

史記祖甲淫亂殷後衰與尚書無逸異孔傳以祖甲為太甲與蔡傳異

王廩辛

丙申元祀

辛丑六祀王崩弟庚丁立

王庚丁

壬寅元祀

壬戌二十有一祀王崩子武乙立

王武乙

癸亥元祀

甲子二祀遷都河北
即朝歌帝王世紀武乙徙朝歌故城在今衛輝府淇縣

丙寅四祀王畋于河渭震死子太丁立

王無道為偶人謂之天神與之博令人為行代之行也天

神不勝乃僇辱之為革囊盛血仰而射之命曰射天
獵于河渭之間暴雷震死

王太丁

丁卯元祀

巳巳三祀王崩子帝乙立

王帝乙

庚午元祀命周公季歷為牧師加九命作伯

季歷篤行于義諸侯順之嘗伐西落鬼戎

諸戎皆西羌之種

至是又伐余無始呼翳徒之戎皆克之王嘉其功錫之圭瓚秬鬯加九命為侯伯

丙子

七祀周公季歷薨世子昌嗣為西伯

是為周文王

西伯遵后稷公劉之業則古公公季之法篤仁敬老

慈幼禮下賢者日中不暇食以待士孤竹

注見前

君之

二子伯夷叔齊讓國不受聞西伯善養老往歸之泰

顛閔夭散宜生

書傳泰閔散皆氏顛天宜生皆名

鬻子顛頊之裔名熊辛甲

殷臣亦皆歸焉嘗行于野見枯骨命吏瘞之吏曰此無

主矣西伯曰有天下者天下之主有一國者一國之主吾固其主矣以棺衾葬之天下聞之曰西伯澤及枯骨況于人乎

辰士

二十有三祀西伯昌生子發

西伯娶有莘氏聖女曰太姒

今陝西同州府郃陽縣有莘里古莘國窠字記

武王母太姒即此國女孫伊尹耕處別為一莘非郃陽渭澳之莘

西伯治外太姒治

內德政流布風化大興太姒有十子長伯邑考蚤卒次發性慈和有聖德西伯以為世子次旦仁聖多材

微子啟以母賤
不得立使立啟
殷何致亡後世
立嫡之論觀此
猶不悟者非愚
而何

藝西伯任以政

管叔鮮蔡叔度曹叔振鐸鄭叔武
霍叔處康叔封時李戴皆太姒子

丙午

三十有七祀王崩子辛立

是為紂

王長子曰微子啟啟母賤不得立少子辛辛母正后

立為嗣

王受辛

丁未元祀

王資辨捷疾聞見甚敏材力過人性汰侈好酒色始

為象箸箕子

王諸父封箕子爵也今山西遼州榆社縣有箕城

歎曰今為象

箸必為玉杯玉杯象箸必將食熊蹯豹胎他又將稱
是王求足欲天下殆哉

甲寅

八祀伐有蘇

路史已姓國蒙字記
古蘇城在濟源西北

獲妲己

王伐有蘇氏得其美女妲己嬖之惟其言是聽使師

涓

一作
師延

作朝歌北鄙之音北里之舞靡靡之樂造鹿

臺

廣三里高千尺遺址
在今衛輝府淇縣

為瓊室玉門厚賦斂以寶鹿

臺之財盈鉅橋

倉名在今直隸廣
平府曲周縣東北

之粟大聚樂戲于

沙邱

臺名在今直隸順
德府平鄉縣東北

以酒為池縣肉為林使男女

裸而相逐其間宮中九市為長夜之飲百姓怨望諸侯有叛者妲己以為法輕威不立王乃為銅柱以膏塗之加于燕炭之上使有罪者緣焉輒墮炭中王與妲己相為笑樂名曰炮烙之刑

丁巳十有一祀囚西伯于羑里今河南彰德府湯陰縣有羑城魏書地形志即

羑里字音相近古通用

王以西伯昌九侯

一作鬼侯史記注鄭縣有九侯城在今彰德府涉縣

鄂侯

一作邳後漢書郡國志河內懷有邳城在今河南懷慶河內縣

為三公九侯有女

納于王女不喜淫王怒殺之而醢九侯鄂侯爭之并

脯鄂侯王又剖孕婦視其胎斲朝涉之脛視其髓西

伯聞之竊嘆崇侯虎

今西安府郿縣夏為虜段為崇

知之以告王且

曰西伯將叛王怒囚西伯于羑里西伯曰父有不慈

子不可以不孝君有不明臣不可以不忠豈有君而

可叛乎乃演易作六十四卦彖辭

巳未

十有三祀釋西伯賜弓矢鉞使專征伐

西伯之臣日夜憂懼謀救其君竭國中珍寶良馬因

三分天下有其二以服事殷此

文王之志也獻
地請除刑與陳
氏之以家量貸
而以公量收之
何異市惠行權
似非聖人所為
予不能無疑

嬖臣費仲

費昌之後

以獻諸侯亦為西伯請王乃赦西伯

西伯出而獻洛西之地

沮洛之西今陝西延安府宜州諸縣界非伊洛也

請

除炮烙之刑許之賜弓矢鉞鉞使專征伐

庚申

十有四祀虞

今山西解州平陸縣有虞城殷虞國舜之後是為西虞

芮

今解州芮城縣

有芮故城殷芮國

質成于周

虞芮之君相與爭田久而不平乃相與朝周入其境

耕者讓畔行者讓路入其邑男女異路斑白不提挈

入其朝士讓為大夫大夫讓為卿二國之君感而相

謂曰我等小人不可以履君子之庭乃相讓以其所

爭為閒田

今平陸縣有閒原俗呼讓畔城

天下聞而歸之者四十餘國

辛酉

十有五祀西伯得呂尚于渭陽

渭水出甘肅渭源縣鳥鼠同穴山至華陰

縣入河水

北曰陽

尚四岳之裔也西伯將出獵卜之曰非龍非彫非熊
非羆所獲霸王之輔于是西伯獵果遇尚于渭水之
陽時年已七十餘與語大悅曰自吾先君太公曰當
有聖人適周子真是耶吾太公望子久矣故號之曰

太公望載與俱歸立為師

武王尊為師尚父

壬戌十有六祀西伯伐密須

今甘肅平涼府靈臺縣有陰密故城殷密須國

初西伯問太公孰可伐太公曰密須管叔曰其君彊

明伐之不可太公曰先王伐逆不伐順伐險不伐易

遂自阮

國名在平涼府涇州

徂共

阮之邑今涇州共池是

而及密須密須

人自縛其君而來歸

乙丑十有九祀西伯伐崇

注見前

作豐邑

豐即崇國地雍錄文王都豐在鄠縣

豐水之西

徙都之

西伯伐崇令曰無殺人無壞屋無塞井無伐木無掠
六畜違者不赦三旬崇弗降乃攻滅之作邑於豐遂
徙都焉

丙寅

二十祀西伯昌薨世子發嗣

是為周武王

西伯寢疾謂世子曰見善勿怠時至勿疑去非勿處
此三者道之所以止也世子再拜受教西伯薨葬于

畢

周文王陵在今陝西西安府咸陽縣

周有天下乃追謚曰文王

丁丑

三十有一祀西伯發戡黎

書大傳史記俱作者注見帝堯伊耆下

王以費仲為政費仲善諛好利又用蜚廉

伯益裔善走惡

來

蜚廉子有力

蜚廉惡來善讒諸侯益疎黎侯近于王

幾不恭王命王方日夜極意聲色不知治也西伯伐

而勝之祖伊

祖己復

知周德日盛既已戡黎勢必及殷

恐懼而奔告于王

作西伯戡黎

王曰我生不有命在天祖

伊反曰王不可諫矣

考戡黎之事自史遷以為文王于是傳注皆從其說金氏履祥

曰文王三分天下有其二以服事殷豈遽稱兵天子之畿且祖伊之言如是其急吳氏棫以為戡黎之役

當在伐紂之時其說誠然因并引大紀及呂

祖諫諸儒之說而以戡黎係武王今從之

戊寅

三十有二祀殺少師比干

王諸父

囚太師箕子

注見上

微

子

即啟王庶兄封微子爵也今山西潞安府潞城縣有微子城

去之

少師比干彊諫王大怒曰比干自以為聖人吾聞聖

人心有七竅信有諸乎乃殺比干剖視其心箕子懼

被髮佯狂而為奴王又囚之微子既數諫度王終不

能聽遂去之以存宗祀

書序殷既錯天命微子作誥父師少師書傳告二師而去紂

己卯三十有三祀西伯發大會諸侯于孟津

注見前

誓師渡河

諸侯不期而會者八百國西伯徇師而誓

作泰誓三篇

遂

逾孟津

史記武王東觀兵至于盟津渡河中流白魚躍入王舟中王取以祭既渡有火自上復于

下至于王屋流為鳥其色赤其聲魄時諸侯會者皆曰紂可伐矣王曰天命未可乃引師還居二年乃復伐紂考書序惟十有一年武王伐殷一月戊午師渡孟津作泰誓三篇蔡沈集傳曰十一年十三年之誤也序本依倣經又偶設三而為一漢孔氏遂以為十一年觀兵十三年伐紂司馬遷因之訛謬相承後儒遂以為實然不知武王蓋未有觀兵之事也蔡傳之說蓋本伊川程子并朱子書今從之

王率眾拒周師于牧野

地理今釋牧一作埒在今衛輝府淇縣南

兵潰王自

焚商亡

周師既渡孟津陳于商郊王發兵七十萬人拒之牧

野西伯臨戰誓衆

作牧誓

左仗黃鉞右秉白旄以麾王

師雖衆皆無戰心倒戈以開周師周師馳之皆奔潰

王反走登鹿臺衣其寶玉衣自燔而死王言足以拒

諫知足以飾非矜人臣以能以為皆出已下播棄黎

老崇信姦回慢神虐民婦言是聽身死國亡天下之

惡歸焉商自成湯受命至紂傳二十八王十六世合

計共六百四十有四年

御批歷代通鑑輯覽卷二